

巡按蘇松等處監察御史為近城失事盜燬為
合謹據實

題恭仰候

處分事崇禎七年二月二十八日據常鎮道兵備副
使徐世蔭呈蒙撫憲牌內開據丹陽縣申據巡
捕縣丞趙應宿稟報本月初五日南京祭酒胡
尚英船泊雲陽驛前三更時分有盜一夥工船
行劫隨督兵放護賊即放火奔散等因又據首
人胡桂詞稱家王胡祭酒令陞詹事府詹事回
往京赴任舟泊雲陽驛前于初五夜二更時分
遭大盜一夥各執利器明火登船劈開艙門殺
死女婢冬兒砍傷書役汪隆祖家人王德打落

水中家人王周將俸金路費衣服盡行搶劫放
火燒燬官船其餘未搶諸件延燒無存勘合亦
遭焚燼懇乞嚴捕等情具繇申報到院除批行
外合行嚴查行道即提該信失事員役嚴加究
擬具報一面查明胡桂失去何物備開細數多
差懶捕官快勤限十日內將行劫真盜確贖務
期盡獲一面多方踏驛窟穴何處窩頓何人偵
訪得實速拏解院為使盜源一清以保安地方
如有賄縱容隱及過限無獲通提究責仍先將
印官捕司職名飛報以便叅處再照丹陽失事
類見本地方必有巨窩為主該道速遣撥材官
多帶兵快分頭捕緝亦須禁其借盜生事枉陷

平民再將信地逐一分派如果單虛即議別調
防守今漕船鱗集防禦猶須嚴緊等因蒙以該
本道者得雲陽失盜一案細查胡官自

留都而下群盜至泊舟駁所候入更餘先縛更夫
三名擲之曠野時至夜半揚鏢齋登欲行搜擄
為本宦家丁及水哨船兵拒敵河干恨無多賊
輒將本船放火回祿以致焚斃使女延燒未搶
諸物候為一空本道聞報即立拏捕官捕快并
地方保甲人等逐一嚴加重責仍勒限遍緝已
獲崔二等五犯供吐鑿鑿確係真盜且起有拜
匣等賊主認己的除未獲崔二等見在督捕外
惟是署印照磨張世霖既無先事之防難免疎

虞之咎伏乞照例

題恭罰治等回到職據以案查先于本月十八日

據丹陽縣申為被盜放火燒船事內稱失王家

屬胡柱被盜燒劫緣縣隨經嚴行常鎮道查究

間續于本月二十四日又據該縣申准巡捕縣

丞趙應宿聞解督捕謝成等并本官家人趙添

生捉獲真盜崔二押往學山地方認獲真盜張

二的名張應科李佛保陳五王鳳臺五名到縣

隨經審據張應科供稱二月初一日在鎮江乞

食過未獲盜首巨二混名張跳跳糾約行劫巨

二糾見獲陳五李佛保崔二未獲張雲臺和尚

空雲小孔在觀音山會齋巨二初五夜行劫胡

祭酒座船應科分未獲青男大布衫一件白花
紬襪一雙俱寄在句容飯店李奉橋家又審得
崔二供係未獲劉小一朱嘉勝朱皮條王三冷
二劉小六周少南陳明宇徐翳子崔二手執竹
竿上盜分未獲蓋花紬裙一條賣夥盜朱嘉勝
洋錢四百文又審李倂保供係未獲徐麻子朱
小一王三在西門湖邊約伊行劫座船和尚了
緣金恩漢怡三司黑子鎮江王的名王三朱十
二朱十一同劫倂保手執松棍上盜分未獲紅
紬被一條係小一掣去與錢二百五十文又供
朱小一在觀音山河邊分與碎銀三兩五錢寄
燕北橋戴三酒店內又審陳五供係未獲夥盜

余化龍蔡起龍王德化糾約行劫手執竹竿工
盜分未獲青罗布衫一件白布裙一條賣王德
化得錢四百五十文又供火係余化龍蔡起龍
等放的又未獲白花細裙一條賣王德化妻得
錢三百文等情據吳除批等未獲各盜起取真
贖另報等因前來隨又嚴行該道將見犯連究
餘犯嚴緝去後查得盜窩多在茅山地方當備
憲牌內開照得大盜窩穴多在茅山蓋因茅山
界連徒陽金句四邑巨寇積窩得以負隅而彼
此又以隔屬難于緝捕互相推諉合行協勦為
此行道即便申請操院并分檄丹徒丹陽金壇
句容等縣會同選差慣捕就役多方馳訪真正

盜富有明白証據者指實的名居址具繇密報
一面訂定的期添差兵快一齊協力擒拏撲捉
仍嚴禁各役不得生事擾民賄放正犯株累無
辜等因去後令據前目該職謹會同巡撫應天
等府地方都察院右僉都御史莊祖誨者得除
盜安民有司之首務也若先事不能銷弭臨事
不能勦截直待事後而始以搜捕為計則地方
其何賴焉乃丹陽縣有宮詹胡尚英泊舟驛前
竟于二月初五日被盜焚劫則職有不得不為

奏

奏者查雲陽驛離城不過數武此地巡城之快役
內河之兵船宜如何嚴密者乃任彼兇焰橫張

焚其舟延燒其使女砍傷其僮僕而且部給之
郵符并付之一炬中是凡有地方之責者六安
所辭踈玩之咎乎雖有五犯之獲細查逆盜尚
多署印照磨張世家應

請重加罰治令戴罪勤限緝獲自效者也既經該道

查報前來除巡捕員役立限嚴比外理合具

題伏乞

勅下部議施行為此除具

題外理合具揭函至揭帖者



右

具


揭

帖



崇禎元年五月

日監察御史祁彪佳



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/0

